Yemen was not Arab nor Hijaz

اليمن ما كان عربي. الله للمتعصبين محوّري العلم، أو يلي هيك قنعُون.

العرب شعب والحَضْرَمَوْتيين شعب والسَّبئيّين شعب والمَعينيّين شعب والقَتَبانيين شعب والحِمْيَريين شعب. آخر ٥ كانوا باليمن الحالى. أما العرب فكانوا قبائل غرب الفرات نزولًا حتى نجد. بيفصل بينن وبين اليمن الربع الخالى.

سمّى الرومان شبه الجزيرة بالعربية بسبب وصولن لشمال الجزيرة عند العرب. وإذن سمى الغرب خط المُسند (خط منطقة اليمن) بال South Arabian script،

وترجمه المسلمون العرب في القرن العشرين الى "الخط العربي الجنوبي"،

فخال لهم إنو الخط هو عربي وبالتالي إنو شعوب اليمن كانت عربية قبل الإسلام. أكيد مع خبرية و هروب "العرب" من اليمن وانتشارن بأرجاء المعمورة (بعد انهيار سدّ مأرب)... العلم صار بيعرف إنو العروبة خلقت ببادية الشام شرق كنعان، كش باليمن.

ومنعرف نقش ظَفار يلي مكتوب في: "ليس عندنا عرب" (إقرأ المرجع ياقوت الحموي، معجم البلدان، ٢٠/٤، مادة "أظفار").

حتى الحجاز ما كان عربي وباعتراف الاستنباط المسلم الذي يصنف القبائل تبع "اليمن" بـ"العرب الاقحاح" (القحطانية) و (غالبية) تبع الحجاز بالمُستعرَبة (أي اساسًا غير العربية، اي العدنانية) ومنها قبيلة قريْش، وكان في علميًا ثلاث شعوب بالحجاز: القيداريون والثاموديون والدادانيون / اللِّحْيانيون. و عكس ما رح تقروا بكير محلات، ما كاتوا عرب، وما كان في عرب بالحجاز.

أكيد تعودنا ع تعابير متل: القيداريون العرب، الكنعانيون العرب، العرب الثموديون، إنو هيك منحط كلمة "عرب" وين ما كان.

كل شعب يستحق الاحترام انما سرقة الهويات حرام.

وجود احرف طاء وقاف وضاد (نعم حتى الضاض) والذال... ما بيعمل من يلي عميحكي حكمًا عربي.

الخريطة أدناه بتفرجي نطاق العرب. هو نطاق واسع، مع العلم إنو النص التحتاني كل عمرو فاضي، هو "الربع الخالي"، ونص الفوقاني هو صحرا بتجول فيه قبائل، وصار بفترا ملحق بمملكتين للتنوخيين يلي هني أساسًا عرب، ويلى كانوا مسيحيين قبل دخول المسلمين.

أكيد من ذكّر إنو في حين بقي حينها أقل من ١٠٪ من الأقباط والسريان والأراميين والأشوريين والفرس والأنباط (الفلسطينيين والأردنيين تبع غرب الأردن) (ويمكن شي ٦ - ٧٠٪ من الكنعانيين) والباقي صار مسلم، بقي صفر بالمية من العرب والحجازيين وشعوب اليمن، فهالشعوب اختفت سوسيولوجيًا / اتنيًا / قوميًا، ولكن بقيوا السكان بيولوجيًا، وصاروا مسلمين كلن. إذًا العرب والعروبة اختفوا لمّن الإسلام احتلوهن.

مشان هيك كمال جنبلاط بقول "لم يكن مفرد "العروبة" موجود في القاموس العربي قبل النهضة العربية". يعني ما كان في مفهوم أمة عربية بس اللغة بقيت عبر الإسلام والمسلمين. ولهيك قال ميشال عفلق، يلي مات مسلم، "العروبة جسد روحه الإسلام".

طبعًا متل كل باقي المسلمين، العرب يلي صاروا مسلمين احتفظوا بأمور "سوسيولوجيًا سطحية وشكلية" من عروبتن (الجمل، الصحرا، العكال، الكوفية، المنسف، اللغة...) متل ما الاسلام يلي كانوا فرس وأقباط ومشرقيين وأتراك وأكراد وبربر - أمازيغ وويغور وغيرن محتفظين بأمور من حضاراتن السابقة (لبس وأكل وبعض العادات). ولهيك منقول "المسلمون الفرس" و"المسلمون الأتراك" متلًا. ولكن جوهر سيرورة حياتن (الاجتماعية والسياسية والوجدانية...) هو الثقاقة المسلمة، مش ثقافة الفرس والأتراك يلي ما قبل الإسلام. بس هول تعابير الإسلام ما بيعترف فيها، يعني المسلم الصالح ممنوع يقول "مسلم فارسي أو فارسي مسلم"، بقول "مسلم في فارس". أما ليش ما منقول "المسلمون الأقباط أو السريان..."، فلأن الإسلام، كؤنه خلق هون، نجح بإنو يمحي الذاكرة الجماعية ل يلي أسلموا ونجحت النهضة العربية باستبدال الاسم الإتني وصاروا "المسلمون العرب". ولكن صرتوا هلق عارفين إنو "المسلمون العرب"، بمعنى "المسلمون يلي كانوا عرب"، هني سكان بلاد العرب يلي عالخريطة.

خريطة الشرق الأوسط ترجع لعام ١٩١٨

